

tam diluisti: inuidiæ vero gloriæ atque ambi-
tionis vehemens suspitio restat. Quispe si
dulcedine laudis non titillabare, cur tanto co-
nату resistebas C. Mario, ne tua statua vna cū
monumētis Bocchi regis tolleretur? Preterea
ea vt cum eodem, C. Mario iam minime ver-
bis contenderes verum etiam armis decer-
tares, profectio non concitabat amor reipubli-
cæ conseruandæ, in qua nulla dum nubecula
tempestatis apparuerat: sed cum ingens am-
bitio, tum vetus odium & inuidia honorum
Marij, quod si negas quicquam istarum rerū
tuum peccus inflammasse, planū facias oportet,
cur agre ferebas bello Mithridatico tibi
prouinciā eripi Sulpitia rogatione: non dole-
bas tacito populi iudicio Marium anteferri,
quod aptior videretur, qui potētissimi regis
impetum reprimeret, bellumque periculosis-
simū conficeret: siquidem recenti memoria
Iugurtham catenatum ante currum agerat:
Cimbros & Theutones terribili Marte vulā-
tes ceciderat ad iternitionem, atque posthac
spes omnes ciuitatis in Mario fuerunt site, vt
tertius vrbis cōditor appellaretur. SyL. Tua
mihi Cæsar imponit necessitatē interrogatio,
vt inuitus in hanc dissertationem descendā:
qua Marium vehementer affectū iri sat scio,